

«ՍԳԿԿ» ԻԿԿ Կարգապահական հանձնաժողովի նիստի

ԱՐՁԱՆԱԳՐՈՒԹՅՈՒՆ ԹԻՎ 83/03

ք. Երևան, Արշակունյաց 5.417 սենյակ

15.08.2023թ. ժամը 15:00

Համաձայն՝ 09.08.2023թ-ին «ՍԳԿԿ» ԻԿԿ-ում՝ ստացված «Ինտեկոբանկ»ՓԲ ընկերության թիվ 1716 դիմումի հետագա ընթացքը ապահովելու նպատակով՝ Ա/Ձ Արկադիկ Միշայի Ավդալյանի թիվ ՄՆԴ/0158/04/19 սնանկության գործով կառավարիչ՝ Բագրատ Վահրադյանի գործողությունների /անգործության/ փաստերի նկատմամբ, վերահսկողության գործառնության պատշաճ իրականացման նպատակով, կառավարչի վարքագծի վերաբերյալ կարգապահական վարույթ հարուցելու և դիմումում արժաժված հանգամանքների վերաբերյալ պարզաբանումներ ստանալու համար՝ ս/ք-ի Օգոստոսի 15-ին, ժամը 15-00-ին՝ ք.Երևան, Արշակունյաց 5 հասցեում, հրավիրված «ՍԳԿԿ» ԻԿԿ Կարգապահական հանձնաժողովի նիստին.

ԾԱՆՈՒՑՎԱԾ ԷԻՆ՝

Հանձնաժողովի անդամ՝ Հարություն Գևորգյանը
Հանձնաժողովի անդամ՝ Արմինե Մովսիսյանը
Հանձնաժողովի անդամ՝ Արմենակ Ադամյանը
Հանձնաժողովի անդամ՝ Ռուբեն Խալաթյանը
Դիմումատու՝ «Ինտեկոբանկ»ՓԲ ընկերությունը
Ա/Ձ Արկադիկ Միշայի Ավդալյանի թիվ ՄՆԴ/0158/04/19 սնանկության գործով կառավարիչ՝
Բագրատ Վահրադյանը

ՄԱՍՆԱԿՑԵՑԻՆ՝

Հանձնաժողովի Նախագահ՝ Տիգրան Հարությունյանը
Հանձնաժողովի անդամ՝ Արմինե Մովսիսյանը
Հանձնաժողովի անդամ՝ Հարություն Գևորգյանը
Հանձնաժողովի անդամ՝ Արմենակ Ադամյանը
Դիմումատու՝ «Ինտեկոբանկ»ՓԲ ընկերության ներկայացուցիչ՝ Հարություն Մարգարյանը
ՄՆԴ/0158/04/19 սնանկության գործով կառավարիչ՝ Բագրատ Վահրադյանը

ՕՐԱԿԱՐԿՈՒՄ

1. 09.08.2023թ-ին «ՍԳԿԿ» ԻԿԿ-ում՝ ստացված «Ինտեկոբանկ»ՓԲ ընկերության թիվ 1716 դիմումի հետագա ընթացքը ապահովելու նպատակով, Ա/Ձ Արկադիկ Միշայի Ավդալյանի թիվ ՄՆԴ/0158/04/19 սնանկության գործով կառավարիչ՝ Բագրատ Վահրադյանի գործողությունների /անգործության/ փաստերի նկատմամբ վերահսկողության գործառնության պատշաճ իրականացման, դիմումում արժաժված հանգամանքների վերաբերյալ պարզաբանումներ ստանալու նշված փաստական հանգամանքների քննության և սնանկության գործով կառավարչի վարքագծի կանոնների հնարավոր խախտման վերաբերյալ կարգապահական վարույթ անցկացման հարցը:

ԼՍԵՑԻՆ-Կարգապահական Հանձնաժողովի նախագահ Տիգրան Հարությունյանը բացեց նիստը ստուգեց ներկաների ինքնությունը և նշեց, որ պատշաճ ծանուցված վարույթի բոլոր մասնակիցները ներկայացել են հանձնաժողովի նիստին և նիստը կարելի է շարունակել: Նախնական խոսքից հետո նախագահողը դիմումը և պահանջը հակիրճ ներկայացնելու համար ձայնի իրավունք տվեց դիմումատու՝ «Ինտեկոբանկ»ՓԲ ընկերության ներկայացուցիչ՝ Հարություն Մարգարյանին, ով մասնավորապես նշեց, որ ներկայացված սնանկության գործով բանկը հանդիսանում է ապահովված պահանջատեր: Ներկայացված պահանջի մասնակի բավարարման նպատակով կառավարիչ կողմից 2020թ-ին կազմվել է բաշխման ծրագիր, ըստ որի բանկին պետք է փոխանցվեր 13 304 972 ՀՀ դրամ, որը չի կատարվել կառավարչի կողմից:

Պահանջատիրոջ կողմից 2021թ-ի հունիսի 04-ին հաղորդում է ներկայացվել հանցագործության մասին,որի հիմքով հարուցվել է քրեական գործ ապացուցվել է,որ կառավարչի կողմից հատուկ հաշվի գումարները կանխիկացվել և օգտագործվել են այլ նպատակներով,դրանով առանձնապես խոշոր չափի վնաս պատճառելով բանկին:

Սնանկության գործով կառավարիչ Բագրատ Վահրադյանը իրեն մեղսագրվող արարքում ընդունել է իր մեղքը,իսկ քրեական գործը այժմ գնվում է դատաքննության փուլում:

Դիմումատուն նշեց նաև որ չնայած այն փաստին որ կառավարչի կողմից այս ընթացքում վերայկանգնվել է վնասը 9 700 000 ՀՀ դրամի չափով,իրենք որպես պարտատեր կորցրել են վստահությունը կառավարչի նկատմամբ և մինչև անգամ վարույթում առկա գույքի հրապարակային սակարկություններում գնելու հարցում,վստահ չեն որ առաջացած միջոցները չեն առժամանակ նույն ճակատագրին ինչ նախկինում առաջացած դրամական միջոցները:

Ավարտելով դիմումատուի ներկայացուցիչը մեջբերեց դիմումի պահանջը,այն է.

- ... **Բագրատ Վահրադյանի նկատմամբ հարուցել կարգապահական վարույթ,կիրառել կարգապահական պատասխանատվություն,ինչպես նաև վերջինիս հեռացնել «Ինեկորբանկ»ՓԲԸ,որպես պարտատեր սնանկության բոլոր վարույթներից/այդ թվում նաև թիվ ՍՆԴ/2192/04/19 սնանկության գործից/:**

Դիմումատուն հանձնաժողովին ներկայացրեց,որպես ապացույց՝մեղադրյալի հարցաքննության արձանագրության և մեղադրական եզրակացության լուսապատճենները, ինչպես նաև 03.05.2023թ-ի ինտերնետային ծանուցումը հրապարակային սակարկությունների վերաբերյալ:

Հանձնաժողովի նախագահին իր բացատրությունները ներկայացնալու համար ձայնի իրավունք տվեց սնանկության գործով կառավարիչ Բ.Վահրադյանին,ով մասնավորապես նշեց,որ այո դիմում նշած փաստերը իրականություն են,որի մանրամասները քննվել են քրեական գործի շրջանակներում և աժմ էլ քննվում են դատարանում,նա նշեց նաև որ իր կողմից վնասը փոխհատուցվում է և արդեն փոխհատուցվել է 10.1 մլն.դրամի չափով,մնացած մնացորդը 3 194 972 ՀՀ դրամի չափով ինքը հույս ունի փոխհատուցելու իր վարձատրությունների հաշվին, այդ թվում նաև այն վարույթներից ստացվելիք,որտեղ պարտատեր է հանդիսանում դիմումատու բանկը,մասնավորապես ներկա պահին հայտարարված աճուրդներով /մոտ 23 մլն.դրամ/ արժողությամբ անշարժ գույքը բանկը ցանկություն ունի գնելու,որիպիսի պանահանջի բավարարումից առաջացած կառավարչի վարձատրությունը ինքը պատրաստ է ամբողջությամբ փոխանցել որպես վնասի փոխհատուցում:Կառավարիչը ներկայացրեց հանձնաժողովին վերջին վճարման անդորագրերը՝ 410 000 ՀՀ դրամ գումարի:

Նշվածի վերաբերյալ կարծիք հայտնելու համար ձայնի իրավունք խնդրեց դիմումատուի ներկայացուցիչը և ասաց,որ բանկը ունի ցանկություն գնելու անշարժ գույքը,բայց վստահություն չունի,որ առաջացած միջոցները կառավարչի կողմից չեն վատնվի,իրենց պահանջի բավարարման փոխարեն,դրա համար էլ չի գնում գույքը:

Հանձնաժողովի նախագահին արտահայտվեց,որ ինքը կարող է անձնական երաշխիք տալ բանկին ,որ իրենց վերահսկողության տակ բանկի գույքի գնումից հետո կառավարչի կողմից կկատարվի օրենքով սահմանված բոլոր ընթացակարգերը և բնականաբար բանկին հասանելիք գումարները սամանված կարգով և ժամկետներում կփոխանցվեն պարտատիրոջը այդ թվում նաև առաջացած վարձատրությունը,որպես նախկին պարտքի մարում:

Բանկի ներկայացուցիչը արտահայտվեց,որ ինք մնան որոշումներ կայացնելու լիազորություն չունի, բայց կփոխանցի առաջարկը համատատասխան որոշումներ կայացնող աշխատակից-ներին,հետագա որոշումներ կայացնելու համար:

Հանձնաժողովի նախագահին հարցեր տալու և կարծիքներ հայտնելու համար դիմեց հանձնաժողովի անդամներին:

Հանձնաժողովի անդամ Հ.Գևորգյանը հայտնեց,որ իր կարծիքով չնայած այն փաստին որ գործը գտնվում է դատական քննության փուլում և ոչ մի փաստ վերջնական ապացույցի կարգավիճակ չի ստացել,բայց կառավարչի կողմից ընդունվել է մեղքը և կարելի կարգապահական վարույթում ընդունված փաստ համարել պարտատիրոջը վնաս հասցնելու փաստը,որը կառավարիչ վարքագծի կանոնների «Սնանկության մասին »ՀՀ օրենքի 23.1 հոդվածի 1-ին մասի 4-րդ կետի խախտում է:

Հանձնաժողովի անդամ Ա.Մովսիսյանը հայտնեց, որ լսելով կարծիքները ուսումնասիրելով դիմումը, բացարարությունը և վարույթին ներկայացված փաստաթղթերը գալիս է այն կարծիքին, որ կառավարչի կողմից կատարած արարքը չի բխում կառավարիչների հանդեպ վստահության ձևավորման ոչ մի կանոնից, այսինքն այդ արարքով պարտատիրոջ մոտ ձևավորվել է կարծիք որ հետագա գործունեության ընթացքում էլ կառավարիչը չի կատարի իր լիազորությունները, որպիսի կարծիքը բարձրաձայն հայտնեց նաև դիմումատուի ներկայացուցիչը: Նշվածի հիմքով հանձնաժողովի անդամը առաջարկեց հատարարել կառավարիչ՝ Բ.Վահրադյանին նկատողություն և հանձնարարել կարճ ժամկետում վերացնել հայտնաբերված խախտումը, այն է՝ փոխհատուցել պատճառված վնասը ամբողջությամբ:

Հանձնաժողովի անդամ՝ Տ.Հարությունյանը նշեց, որ լսելով կառավարչի բացատրությունը, ուսումնասիրելով գործին վերաբերվող փաստաթղթերը հասկանալի է դառնում, որ բողոքի առիթ է հանդիսացել այն փաստը որ կառավարչի կողմից կատարվել է հանցավոր արարք և պարտատերը կորցրել է կառավարչի նկատմամբ վստահությունը, ուստի գտել է, որ կարգապահական վարույթի հիմքով կարող է հեռացնել կառավարչին այդ և մնացած գործերի վարումից: Դիմումի նշված պահանջի վերաբերյալ հայտնեց որ կարգապահական հանձնաժողովը կամ «ՍԳԿԿ» ԻԿԿ-ն մնան լիազորություններ չունեն, իսկ կառավարչի սնանկության գործում լիազորությունների դադարեցումը բացառապես դատարանի լիազորությունն է, ըստ «Սնանկության մասին» ՀՀ օրենքի 32-րդ հոդվածի սահմանած կարգով:

Անդրադառնալով դիմումատուի նշված վստահության և «Սնանկության մասին» ՀՀ օրենքի 23.1 հոդվածի 1-ին մասի 3-րդ և 5-րդ կետերով սահմանված կառավարչի համար պարտադիր վարքագծի կանոնին, այն է.

- նպաստել կառավարիչների նկատմամբ վստահության ձևավորմանը:

հանձնաժողովի նախագահին հարկ համարեց ներկայացնել, որ ընդհանուր առմամբ կառավարիչը իր գործունեության պետք է իրականացնի հետևյալ սկզբունքներից ելնելով՝

1. Անկախության,
2. Օբեկտիվության,
3. Բարեխղճության,
4. Ողջամտության,
5. Արդյունավետության, նշված սկզբունքների պահպանությունն է բերում կառավարչի գործունեության նկատմամբ վստահության ձևավորմանը:

Վերլուծելով կառավարչի գործողությունները այս սկզբունքներից ելնելով, կստացվի որ կառավարիչը գործել է անկախ ելնելով օբեկտիվ իրավիճակից, բայց չի եղել բարեխիղճ չի պահպանել օրինականությունը և կողմիերի օրինական շահերը, չի ցուցաբերել ողջամտություն իր գործունեության արդյունավետությունը ապահովելու համար, այսինքն դրամական միջոցների բաշխումը չի կատարել ճիշտ և սահմանված ժամկետներում, որը հետագայում չէր կարող ապահովել նաև սնանկության գործի արդյունավետ շարունակությունը:

Վերոնշյալի հիմքով հանձնաժողովի նախագահին առաջարկեց հայտարարել՝ Ա/Չ Արկադիկ Միշայի Ավդալյանի թիվ ՄՆԴ/0158/04/19 սնանկության գործով կառավարիչ՝ Բագրատ Վահրադյանին հայտարարել նկատողություն և սահմանել ժամկետ կարգապահական խախտումը վերացնելու համար:

Հանձնաժողովի ներկա անդամներից Ա.Ադամյանը համաձայնեց այդ կարծիքի հետ և առաջարկեց, որ այդ առաջարկը, որվի քվեարկության.

ՔՎԵԱՐԿՈՒԹՅՈՒՆ՝

Կողմ - 4

Դեմ - 0


Չեղնակա - 0


ԵԶՐԱԿԱՅՈՒԹՅՈՒՆ՝

1. 09.08.2023թ-ին «ՍԳԿԿ» ԻԿԿ-ում՝ ստացված «Ինելկոբանկ» ՓԲ ընկերության թիվ 1716 դիմումի հետագա ընթացքը ապահովելու նպատակով, Ա/Չ Արկադիկ Միշայի Ավդալյանի թիվ

ՄՆԴ/0158/04/19 սնանկության գործով կառավարիչ՝Բագրատ Վահրադյանի գործողությունների /անգործության/մասնագիտական վարքագծի կանոնների խախտման և կանոնակարգերին համապատասխանության վերաբերյալ հարուցված վարույթի արդյունքներով՝ միջնորդել «ՍԳԿԿ» ԻԿԿ Դիտորդ Խորհրդին «Կարգապահական հանձնաժողովի գործունեության և սնանկության գործով կառավարչի նկատմամբ կարգապահական վարույթի իրականացման» կարգի 5 հոդվածի 5.1 կետի 4-րդ ենթակետի հիմքով Ս/Ձ Արկադիկ Միշայի Ավդալյանի թիվ ՄՆԴ/0158/04/19 սնանկության գործով կառավարիչ՝Բագրատ Վահրադյանին հայտարարել նկատողություն և սահմանել ժամկետ կարգապահական խախտումը վերացնելու համար:

2.Սույն Եզրակացությունը սահմանված ժամկետում ներկայացնել Դիտորդ Խորհրդին՝ հետագա որոշում կայացնելու նկատառումով:

Հանձնաժողովի Նախագահ՝ Տ.Հարությունյան 

Հանձնաժողովի անդամ՝ Ա.Մովսիսյան 

Հանձնաժողովի անդամ՝ Ա.Ադամյան 

Հանձնաժողովի անդամ՝ Հ.Գևորգյան 